




tešanjski BILTEN

Interno informativno glasilo, Godina XV, septembar 2010. Broj 47



U ovom broju:

**9. septembar –
Dan oslobođenja općine
Tešanj od fašizma**

**Posjeta delegacije
Nova Gorica**

**Zahvalnice
najuspješnijim
firmama**

**Obnova
povratničkih kuća**

Obilazak gradilišta

Dječija igrališta

Mladi

septembar/rujan 2010.



Vidite li ono što ne bi voljeli -
prijavite!


Doživjeli ste ono što ne bi trebali -
prijavite!

Pitajte, odgovorićemo!

Budite ispravno informisani!

Pomozite sebi!

Vidjeli ste bacanje smeća, dali ste
nekome u džep: ljekaru, policajcu,
službeniku -
prijavite!



PREGLED OKONČANIH PROJEKATA U 2010. GODINI

RB	MJESNA ZAJEDNICA	VRIJEDNOST PROJEKTA
1.	Dobropolje - Mekiš, put NC Dautovača	60.921,85 KM finansirala Općina i građani
2.	Karadaglije - NC Halvadžići	18.616,82 KM finansirala Općina i građani
3.	Tešanj, Kanalizacija u ulici Meše Selimovića (I faza)	7.020,00 KM finansirala Općina
4.	Jablanica, most na Trebačkoj rijeci	11.520,00 KM finansirala Općina i građani
5.	Tešanj - sanacija korita rijeke Tešanjke	7.020,00 KM finansirala Općina

PREGLED OKONČANIH PROJEKATA U 2010. GODINI (ugovori potpisani u 2009. godini)

RB	MJESNA ZAJEDNICA	VRIJEDNOST PROJEKTA
1.	Bukva, izgradnja treće trake, I faza	278.015,19 KM finansiralo Kanton
2.	Džemilić Planje LC Orah - Kokići škola	38.345,80 KM finansiralo Kanton

PROJEKTI U TOKU

RB	MJESNA ZAJEDNICA	VRIJEDNOST PROJEKTA
1.	Trepče, NC Dom Trebačko brdo	35.345,80 KM finansira Kanton
2.	Trepče, NC Hasanbašići Trebačko brdo	27.396,65 KM finansira Općina
3.	Tešanj, instalacija vatrodjave u Općoj bolnici (II faza)	34.825,05 KM finansira Općina



tešanjski BILTEN

Interno informativno glasilo Općine Tešanj



Izdaje

OPĆINA TEŠANJ

Redakcija

Edina Kadušić, Ferid Mustafić, Suad Huskić,
Kanita Gredelj i Bahrudin Nočić

Glavni i odgovorni urednik

Edina Kadušić

Adresa Redakcije

Općina Tešanj, trg Alije Izetbegovića 11, 74260 Tešanj

Telefoni 032/650-341 i 032/650-022 (lokal 107),

Fax 032/650-220

E-mail press@opcina-tesanj.ba

Tiraž 2.000

Štampa AD print Jelah

www.opcina-tesanj.ba

Prema odluci Općinskog vijeća Tešanj 9. septembar - Dan oslobođenja općine Tešanj od fašizma obilježava se kao općinski praznik - sjećanje na oslobođenje općine od okupatora 1944. godine i herojsku borbu naroda ovog kraja u Drugom svjetskom ratu i sve oslobodilačke težnje tokom historije općine Tešanj.

SJEĆANJE NA OSLOBOĐENJE OPĆINE OD OKUPATORA 1944.

Također, još dva značajna datuma za općinu Tešanj, a obilježavaju se kao općinski praznik su:

4. april - Dan otpora fašizmu - kao sjećanje na početke otpora agresiji na BiH 1992-1995. i sve značajnije događaje u ovom periodu, ali i iz ranije historije vezane za otpor ovog kraja fašizmu;
10. decembar - Dan grada Tešnja - sjećanje na dan kada je vakufnamom Gazi Ferhad-bega 1559. godine započela historija urbanog života Tešnja.

POVODOM 9. SEPTEMBRA POSJETA SUDIONICIMA NOR-a

Općinski načelnik Fuad Šišić i pomoćnik Općinskog načelnika Suad Huskić u društvu predstavnika Udruženja SUBNOR-a Husaina Kotorića i direktorice Centra za socijalni rad Sabrije Kavazović, obišli su Omara Hajrića iz Jablanice i Osmana Iljunduru iz Piljužića - žive učesnike NOR-a.



Povod posjete je 9. septembar - Dan oslobođenja općine Tešanj od fašizma (1944. godine naša općina oslobođena je od fašizma u Drugom svjetskom ratu). Trenutno na području

općine Tešanj živi 45 sudionika NOR-a. Ovim prilikom Općinski načelnik i direktorica Centra za socijalni rad Omara Hajriću i Osmanu Iljunduru uručili su skromne hedije.

POLOŽENO CVIJEĆE NA SPOMEN OBILJEŽJA U TEŠNJU I TEŠANJCI

Povodom 9. septembra - Dana oslobođenja općine Tešanj od fašizma, predstavnici SUBNOR-a i Općine Tešanj položili su cvijeće na spomen obilježja u Tešnju i Tešanjci.

Cvijeće je položeno na *Partizansko groblje*, na bistu *Huso Hodžić* i *Centralno spomen obilježje šehidima i palim borcima* u Tešnju, kao i na *Partizansko groblje* i *Spomen obilježje* na Tešanjci.

U ime Općine Tešanj cvijeće su položili predsjedavajući Općinskog vijeća Tešanj Vedran Kaser i pomoćnik Općinskog načelnika u Službi za boračko-invalidsku zaštitu Nerminka Handžić.



OBILAZAK GRADILIŠTA NA PODRUČJU OPĆINE TEŠANJ

Općinski načelnik Fuad Šišić sa saradnicima početkom septembra posjetio je i obišao nekoliko projekata čija je realizacija u toku.

U društvu predstavnika mjesne zajednice Dobropolje-Mekiš, Općinski načelnik je obišao radove na izgradnji



druge faze vodovoda i završenu dionicu puta *Dautovača*. Radove na izgradnji sekundarne mreže vodovoda dužine 510 m izvodi KP RAD, a projekat se finansira sredstvima Općine Tešanj, građana i Vlade ZDK, dok je asfaltiranje dionice puta *Dautovača* finansirano sredstvima Općine Tešanj i građana.

OBILAZAK GRADILIŠTA „MUSALA“

Općinski načelnik Fuad Šišić sa saradnicima zajedno sa investitorom Fahrudinom Kadišićem na projektu *Musala* obišao gradilište budućeg kompleksa, ali i radove na izgradnji potpornog zida koji će u potpunosti osigurati sigurnost i stabilnost puta i omogućiti vraćanje na prijašnje stanje kako dijela saobraćajnice, tako i trotoara.



Zbog podzemnih voda koje su prouzrokovale osipanje terena, došlo je do ulegnuća trotoara i jednog dijela saobraćajnice, čija sanacija je u toku.

REKONSTRUKCIJA KROVA OŠ „HUSO HODŽIĆ“ TEŠANJ

Kako bi se na licu mjesta uvjerio da će učenici novu školsku godinu započeti pod novim krovom, Općinski načelnik sa saradnicima u društvu predstavnika OŠ "Huso Hodžić" obišao ovu školu.

Nakon rekonstrukcije krova, početak će i radovi na zamjeni parketa u fiskulturnoj dvorani i njeno vraćanje u funkciju koja je uništena usljed poplave koja je zahvatila općinu Tešanj u julu prošle godine.

Ovaj projekat finansira Vlada ZDK i Općina Tešanj.



VRATA TEŠNJA 2

U toku su radovi na izgradnji stambeno-poslovne zone na ulazu u Tešanj. Trenutno se radi prva faza projekta Vrata Tešnja 2, koja podrazumijeva izgradnju mosta i saobraćajnice. Investitor je Mehmed Krkalić.

"Ovo je još jedan projekat koji Općina Tešanj realizuje kroz javno-privatno partnerstvo. Radi se prema urbanističkom rješenju koje je uradio profesor Hamidović sa Arhitektonskog fakulteta u Sarajevu. Na ovaj način će se kroz privatna ulaganja dobiti ljepši izgled grada, i samim tim, Tešanj će postati atraktivnije mjesto za življenje svih građana, ali i posjetilaca", kazao je Općinski načelnik Fuad Šišić.



NOVE PROSTORIJE ZA UČENIKE

Općinska administracija je u rekordno kratkom roku uspjela provesti postupak i odabrati izvođače radova na uređenju dodatnog školskog prostora u staroj zgradi ŠUP-a, Tešanj. Prvi dan nove školske godine prostori su bili u potpunosti spremni za unos namještaja (farbanje stolarije, zamjena elektro instalacija, krečenje, podloga, grijanje,



pomoćne prostorije, kao i asfalt na ulasku u objekat). Ove radove zajednički su finansirali Vlada ZDK, odnosno Ministarstvo obrazovanja, nauke, kulture i sporta i Općina Tešanj. U društvu direktora Srednje tehničke škole i izvođača radova, Općinski načelnik sa saradnicima obišao je prostorije ove škole.

RADOVI NA PUTEVIMA U MZ TREPČE

Općinski načelnik Fuad Šišić sa saradnicima obišao je dva gradilišta u MZ Trepče - asfaltiranje dionica puta NC Dom-Trebačko brdo i NC Hasanbašići-Trebačko brdo. Izvođač radova na dionici puta NC Dom-Trebačko brdo je firma *AB-trans d.o.o.* Tešanj, a projekat se finansira iz kantonalnih sredstava i budžeta Općine Tešanj.



Finansijer radova na dionici puta NC Hasanbašići-Trebačko brdo je Općina Tešanj, dok je izvođač radova firma *Rial-šped d.o.o.* Doboj Istok.

NOVI EKO PARK

Općina Tešanj i privatna kompanija AS, Jelah grade novi eko-park na lokaciji pored regionalnog puta R474 - skretanje za Cerovac na Marin hanu. Općina je pripremila lokaciju, a kompanija AS vrši uređenje parka na kome će biti i znak ove firme.

Tako je pored eko-parka koji je Općina Tešanj uredila sa kompanijom MANN+HUMMEL, ovo je drugi park koji se po istom konceptu uređuje. Na ovaj način se nastavlja uspješna saradnja općinske administracije i privrednika na uređenju lokalne zajednice.



POTICAJ ZA

INDUSTRIJSKU ZONU BUKVA

Općina Tešanj je potpisala ugovor sa Federalnim ministarstvom razvoja, poduzetništva i obrta za izgradnju poduzetničke infrastrukture za industrijsku zonu *Bukva* u visini od 78.000,00 KM. Općina Tešanj je blagovremeno aplicirala i ispunila tražene uslove javnog poziva, te sa odobrenim sredstvima može nastaviti aktivnosti na uređenju infrastrukture u ovoj zoni. U ime Općinskog načelnika ugovor je potpisao pomoćnik Hamzalija Hojkurić.



DJEČIJA IGRALIŠTA NA PODRUČJU OPĆINE TEŠANJ

U budžetu Općine Tešanj za 2009. i 2010. godinu izdvojena su sredstva za izgradnju dječijih igrališta.




RB	MJESNA ZAJEDNICA	Godina izgradnje
1.	Raduša – kod priključka za Crvenu zemlju (Brkine lipe)	2009. godina
2.	Mirkotić – kod osnovne škole	2009. godina
3.	Rosulje – kod zgrade mjesne zajednice	2009. godina
4.	Ljetinić – kod doma kulture	2009. godina
5.	Šije – kod stare osnovne škole (gornje Šije)	2009. godina
6.	Jelah – kod osnovne škole	2010. godina
7.	Jevadžije – kod sportskog poligona	2010. godina
8.	Tešanj – osnovna škola u Krndiji	2010. godina
9.	Džemilić Planje – kod doma kulture	2010. godina
10.	Bobare -Drinčići -Blaževci – kod osnovne škole	2010. godina
11.	Novi Miljanovci – poligon Gobelja	2010. godina
12.	Vukovo – kod vulkanizerske radnje Merdić Nurko	2010. godina
13.	Lepenica – kod poligona Jezerce	2010. godina
14.	Tešanj – kod osnovne škole Iluso Ilodžić	2010. godina
15.	Tešanj – kod obdaništa	2010. godina



VRATA TEŠNJA 2



Nakon projekta *Musala* i *Vrata Tešnja1*, koje je Općina Tešanj realizuje kroz javno-privatno partnerstvo, potpisan je i Sporazum o zajedničkom finansiranju izrade planskog dokumenta *Vrata Tešnja2*.



Ugovor su potpisali Općinski načelnik Fuad Šišić i investitor Mehmed Krkalić, dok je nosilac izrade ove studije "Redesign" studio iz Sarajeva. Služba za katastar, urbanizam i imovinsko-pravne poslove Općine Tešanj je zadužena da se procedura provede u skladu sa zakonom.

Urbanistički koncept plana predlaže dva objekta etažirana na tri nadzemna nivoa, autobusku stanicu sa staničnim terminalom i dijelom za ostale stanično-upravne i ugostiteljske sadržaje, javne pješačke i kolsko-saobraćajne površine u odnosu na savremene standarde, te odgovarajuću podzemnu i nadzemnu infrastrukturu.

Vrata Tešnja2 je nastavak projekta *Vrata Tešnja1* kojim će ulaz u grad dobiti jedan novi, moderniji, ali i atraktivniji izgled, kako za građane naše općine, tako i za sve posjetioce.



URBANISTIČKO RJEŠENJE CENTAR JELAH

Općinski načelnik Fuad Šišić (uz saglasnost MZ Jelah za projektni zadatak) i predstavnici "Redesign" studio iz Sarajeva mr. Elvedin Bečić i prof. dr. Muhamed Hamidović potpisali su Ugovor za izradu Urbanističkog rješenja mikrolokacije centra Jelaha sa redefiniranjem dijela urbanističkog rješenja na lokalitetu Centar objekat Dom kulture sa susjednim parcelama.

Ovaj projekat podrazumijeva da se:

1. Umjesto objekta Doma kulture uradi programsko rješenje višena-

menskog objekta kulturno-sportskog centra sa sadržajima:

- dvorana za održavanje sportsko-kulturnih manifestacija sa mogućim varijacijama multifunkcionalnog korištenja;
- parking;
- prateći poslovno-komercijalni sadržaji budućeg centra adekvatni lokalitetu centra naseljenog mjesta, te sadržaji potrebni za rad MZ (prostorije MZ, prostori potrebni udruženjima, odjeljenje Biblioteke...);
- da se konačna gabaritna visina od-

redi u kontekstu atraktivnosti lokacije i njenog okruženja;

2. Za stambeno-poslovne zone sa parcelama iz okruženja adekvatno riješiti broj parking mjesta u odnosu na broj stambenih i poslovnih jedinica;
3. Adekvatno saobraćajno rješenje lokaliteta centra naseljenog mjesta zadržavajući pri tome planirani krak priključne saobraćajnice sa R474 na magistralnu saobraćajnicu M4, a sve u skladu sa izvodom iz Regulacionog plana CENTAR Jelah.

OBNOVA POVRATNIČKIH KUĆA NA PODRUČJU OPĆINE TEŠANJ

Općinski načelnik Fuad Šišić i Ministar za ljudska prava i izbjeglice Safet Halilović uručili su ključeve za pet obnovljenih povratničkih kuća Srba na području općine Tešanj. Radi se o dvije kuće koje su rađene iznova (Vojko Bugarinović - Bobare i Simo Todorović - Raduša) i tri re-


nansirala troškove objave javnog poziva, projektovanje i reviziju projekata, kao i troškove nadzora.

U posljednje tri godine Ministarstvo za ljudska prava i izbjeglice Bosne i Hercegovine izdvojilo je 153 miliona maraka za ove namjene, kazao je Ministar Halilović.



konstruisane (Milan Bibić - Blaževci, Jovo Bugarinović - Vrela i Risto Ristić - Rosulje).

Za obnovu ovih kuća, iz Fonda za povratak, Ministarstvo za ljudska prava i izbjeglice BiH izdvojilo je 100 hiljada maraka, dok je Općina Tešanj sredstvima iz budžeta fi-



Zadovoljan sam što je i ovaj projekat bez problema i u predviđenom roku uspješno priveden kraju, kazao je referent za povratak u Općini Tešanj Đorđo Ristić.

Izvođač radova, kao najpovoljnije ponuđač na javnom pozivu je firma MC Gradnja iz Bosanskog broda.

URUČENE ZAHVALNICE NAJUSPJEŠNIJIM FIRMAMA

U Sali Općinskog vijeća Tešanj, 30. jula sa početkom u 10,00 sati izvršena je dodjela zahvalnica najuspješnijim firmama sa područja općine Tešanj za 2009. godinu, koje su u Poslovnim novinama proglašene među 100 najuspješniji firmi u BiH.

Općinski načelnik je putem prezentacije upoznao prisutne o osnovnim informacijama o firmama kojima će biti uručene zahvalnice i zahvalio se privrednicima na predstavljanoj općine Tešanj kao uspješne privredne sredine.

Nakon prezentacije, Općinski načelnik je uručio zahvalnice predstavnicima firmi: "HIFA OIL" doo, "AS" doo, "MANN+HUMMEL" dd, "HIFA" doo "POBJEDA" dd, "BELIF" doo i "ARTISAN" doo.



NAJVEĆI PO PRIHODU U 2009



• POZICIJA BROJ: 09, Izudin Ahmetić
• 253.315.643 KM, Izvoz: 18051.951 KM



• POZICIJA BROJ: 30, Sulejman Hrvić
• 71.403.932 KM, Izvoz: 3.164.519 KM



• POZICIJA BROJ: 52, Smil Ramović
• 37.500.000 KM, Izvoz: 35.000.000 KM



• POZICIJA BROJ: 68, Venan Hadžiselović
• 24.950.985 KM, Investicija: 5.500.000 KM



• POZICIJA BROJ: 93, Kasim Kotorić
• 09.735.504 KM, Izvoz: 9.191.827



• POZICIJA BROJ: 60, Adem Šišić (prihod srednja preduzeća)
• 2.300.000 KM, Izvoz: 60.000 KM



• POZICIJA BROJ: 3, Fadil Čostović (IZVOZ - mala preduzeća)
• 1.276.524 KM, Izvoz: 679.371 KM

DELEGACIJA NOVE GORICE POSJETILA OPĆINU TEŠANJ

Općinski načelnik Fuad Šišić sa saradnicima 19. jula, u radnu posjetu Tešnju primio je delegaciju općine Nova Gorica iz Slovenije na čelu sa županom i poslanikom u državnom Parlamentu Mirkom Brulcom. Nakon uvodnog sastanka i prezentacije potencijala općine Tešanj, delegacija je su razgovarale o mogućnostima saradnje dvije općine.



Općine Tešanj i Nova Gorica rade na uspostavi dugoročne saradnje, prije svega privredne, a onda i na projektima izgradnje infrastrukture, pitanja koja se tiču okoliša, kao i zajedničko apliciranje za fondove EU, kazao je Općinski načelnik Fuad Šišić.

Župan Mirko Brulc je kazao da je zadovoljan onime što općina Tešanj pruža, te je istakao kako je ova saradnja važna za obe općine, prije svega zbog razmjene iskustva prilikom lakšeg apliciranja na fondove EU.

Prilikom ove posjete, delegacija općine Nova Gorica u društvu Općinskog načelnika je obišla Trg Ferhat-bega, džamiju Ferhadiju, kao i Stari Grad u Tešnju.



DELEGACIJA OPĆINE NOVA GORICA OBIŠLA "ALPINA BROMY"



U okviru posjete općini Tešanj, delegacija općine Nova Gorica iz Slovenije na čelu sa županom i zastupnikom u državnom Parlamentu Mirkom Brulcom posjetila je i obišla partnersku slovenačko-bosansku firmu *Alpina-bromy*. Delegaciju općine Nova Gorica još su činili i Elvira Šušmelj, direktorica općinske uprave Nova Gorica, Stojan Ščuka, direktor Primorskog tehnološkog parka, Rajko Leban, direktor energetske agencije (GOLEA), Vladimir Durcik, direktor Projekt d.d. sa saradnicima Pavel Lavrenčić i Igor Vuga.



Nakon razgovora sa direktorom firme Suadom Rošom, prilikom kojeg su gosti saznali osnovne podatke o firmi, broju uposlenih, kao i o proizvodu koji rade, delegacija je obišla pogon.

BAJRAMSKI PRIJEM

Općinski načelnik je 9. septembra prisustvovao Bajramskom prijemu koji je organizovao Medžlis IZ Tešanj u restoranu AS, Tešanj, te se obratio prisutnim prigodnim govorom. Uz upućenu Bajramsku čestitku i čestitku povodom općinskog praznika, 9. septembra - Dana oslobođenja od fašizma, Općinski načelnik je naglasio važnost vremena u kome živimo.



mo. Ovo je najbolje vrijeme za nas, jer drugog vremena za nas neće biti. Ako ne iskoristimo na najbolji način današnji dan i svaki sljedeći u kome budemo živjeli, taj dan se više nikada neće ponoviti, kazao je Općinski načelnik. Bajramskom prijemu je prisustvovao i predsjedavajući Općinskog vijeća Tešanj Vedran Kaser.

OBILAZAK PORODICA

Općinski načelnik Fuad Šišić i pomoćnik Općinskog načelnika Suad Huskić, u društvu direktorice Centra za socijalni rad Sabrije Kavazavić, obišli su dvije porodice sa područja općine Tešanj. Radi se o porodicama Mine Spahić iz Čaglića i Đulesme Turkeš iz Dž. Planja.



Razlog posjete je tradicionalni obilazak porodica teške ekonomske situacije u povodu nastupajućeg Ramazanskog bajrama.

Bajram je povod da se pomogne onima kojima je pomoć najpotrebnija, kazao je Općinski načelnik.

Ovom prilikom, Općinski načelnik i direktorica Centra za socijalni rad Mini Spahić i Đulesmi Turkeš uručili su skromne hedije.

PRIJEM ŠEHIDSKIH PORODICA I PORODICA POGINULIH BORACA

Općinski načelnik Fuad Šišić je prisustvovao tradicionalnom prijemu šehidskih porodica i porodica poginulih boraca koje organizuju Glavni imam i predsjednik Medžlisa IZ Tešanj.

Nakon prijema, izvršen je zajednički obilazak centralnog mezarja u Tešnju gdje je ukopan najveći broj šhida i poginulih boraca. Imami medžlisa IZ Tešanj i Doboj proučili su zajednički hatma-dovu.



NOVO SPOMEN OBILJEŽJE

Drugog dana Bajrama je u MZ Medakovo otvoreno spomen obilježje šhidima i poginulim borcima u haremu džamije Medakovo. Prisutnima se između ostalih obratio i Općinski načelnik, koji je istakao važnost ovih spomen obilježja, ali i važnost pojedinačne i kolektivne svijesti o zadaći onih koji danas žive.



MINA FERIZBEGOVIĆ DOBILA STIPENDIJU

Tešanjaska učenica 4. razreda *Sarajevo koledža* Mina Ferizbegović, učesnica mnogih međunarodnih takmičenja i dobitnica raznih priznanja, dobila je stipendiju. Izudin Turkeš, vlasnik firme UNO, Tešanj je u kabinetu Općinskog načelnika potpisao ugovor sa Minom Fe-

rizbegović kojim se obavezao na mjesečnu stipendiju do kraja školske godine. Na ovaj način Izudin Turkeš želi dati podršku za izvanredne rezultate koje Mina postiže, ali i poslati poruku mladima da mogu računati na ljude dobre volje ako su spremni postizati dobre rezultate. Od iduće godine Mina Ferizbegović će biti student, a time steći pravo i na općinsku stipendiju.



OPĆINA TEŠANJ DRUGA U BIH

Prvo mjesto, kada je riječ o stipendiranju učenika i studenata u posljednje tri godine, zauzela je općina Velika Kladuša. Odmah iza nje, po analizi CCI (Centra civilnih inicijativa), je Tešanj, potom Gradiška, Mrkonjić Grad i Čapljina, Laktaši, Ugljevik, sarajevska općina Novi grad, Bileća i Derвента. Na začelju su općine Zenica, Čitluk, Istočni Stari Grad, Vareš, Glamoč i Trnovo u FBiH.

PROJEKTI MLADIH

U Sali Općinskog vijeća Tešanj potpisani su ugovori za projekte mladih. Ugovore su potpisali Općinski načelnik Fuad Šišić i predstavnici dvanaest udruženja sa područja općine Tešanj, čiji su projekti, nakon provedene procedure javnog poziva ispunili kriterije. Ove godine iz budžeta Općine Tešanj za projekte mladih je izdvojeno 31.489,00 KM.

Općina Tešanj nastavlja pružati podršku projektima koje realiziraju mladi. Nakon projekata sa Omladinskom bankom, ovo je drugi način da mladi



uz pomoć budžeta Općine realiziraju projekte za koje smatraju da su važni u njihovim sredinama, kazao je Općinski načelnik u svom obraćanju.

Inače, na javni poziv za podnošenje aplikacija za dodjelu sredstava iz budžeta Općine za projekte mladih u predviđenom roku je podneseno 36 aplikacija od 25 udruženja i neformalnih grupa, a dvije aplikacije su podnesene izvan roka. Udruženje Europski pokret Jelah (Urbano selo i Travnati teren u Bobarama).

MLADI ZA MLADE

Grupa mladih na čelu sa Adnanom Lihčićem i Anisom Demirovićem koja je prošle godine davala stipendiju Senadi Turkeš iz Dž. Planja učenici 1. razreda srednje škole, nastavlja davati ovoj učenici stipendiju i u drugoj godini.

Uz to, sada ova grupa mladih ima 10 članova pa su ove godine odlučili davati i drugu stipendiju i to Sumeji Huskić iz Jablanice, učenici 1. razreda medrese u Tuzli. Iskrene čestitke mladima koji sami odvajaju dio sredstava za mlade.



ALEM BUKVIĆ NA UNITED WORLD COLLEGES

U kabinetu Općinskog načelnika uručen je laptop kao donacija građana vrijednom učeniku Alemu Bukviću iz Bukve. Naime, nakon dvije godine tešanjске Gimnazije, Alem Bukvić nastavlja školovanje na prestižnom koledžu UWC u Mostaru. Alem se putem interneta prijavio na poziv, uspješno prošao test i dobio besplatno školovanje. Nije bilo preporuka, niti veza, jedino znanje i poduzetnost mladog Alema.

Čestitke Alemu i hvala svima koji su uzeli učešće u kupovini laptopa za ovog vrijednog tešanjskog učenika.



CALL CENTAR 72

NOVA USLUGA OPĆINSKE ADMINISTRACIJE

1. Telefonskim pozivom na broj 032/650 800

- U toku radnog vremena javit će vam se kontakt osoba, koja će saslušati i zabilježiti vaše podatke, a po rješavanju vašeg zahtjeva odgovoriti vam na način kako ste vi to tražili,
- Poslije radnog vremena dostupan je automatski uređaj koji će vam dati potrebne informacije kako ostaviti poruku. Sljedeći radni dan vaša poruka će biti saslušana i obrađena.

2. SMS porukom na broj 032/650- 800

- Pošaljite SMS poruku na broj telefona sa vašim podacima i opisom problema, primjedbom koju imate i naši službenici će zahtjev obraditi i pravovremeno vas obavijestiti.



3. Web portal Općine www.opcina-tesanj.ba

- Pristupite zvaničnoj stranici Općine Tešanj, izaberite E-uprava, a potom Call centar, unesite tražene podatke u predviđena polja i pritisnite dugme Pošalji. Naši službenici će zahtjev obraditi i pravovremeno vas obavijestiti.

4. Slanjem e-maila na adresu call.centar@opcina-tesanj.ba

- Pošaljite e-mail na navedenu adresu sa vašim podacima i opisom problema, primjed-bom koju imate i naši službenici će obraditi vaš zahtjev i pravovremeno vas obavijestiti.

Napomena: svi telefonski pozivi, kao i uneseni podaci se snimaju u bazu podataka i bit će korišteni isključivo za potrebe općinske administracije.

ELEKTRONSKA PROVJERA STATUSA PREDMETA

1. E-mail provjera

Za E-mail provjeru statusa predmeta potrebno je otići na zvaničnu web stranicu Općine www.opcina-tesanj.ba, izabrati kategoriju E-uprava, te izabrati Provjera statusa predmeta. U polje "Identifikacioni broj predmeta" unesite broj vašeg predmeta (broj možete pogledati na zahjevu koji vam je izdat prilikom podnošenja istog, npr. 09-49-1-1243/10), u polje "E-mail na koji treba poslati obavijest" unesite vašu e-mail adresu i zatim pritisnite na dugme "Pošalji".

Ukoliko ste unijeli tačne podatke dobijate sljedeću obavijest:



Pristupite svojoj e-mail pošti i otvorite e-mail sa adrese sms@opcina-tesanj.ba u kojem se nalaze osnovne informacije o vašem predmetu.



2. SMS provjera

Za SMS provjeru statusa predmeta potrebno je na vašem mobilnom uređaju ukucati poruku sljedećeg sadržaja: Status_broj vašeg predmeta i poslati na broj: 062/992-970. Npr.: Status 09-49-1-1243/10

Broj vašeg predmeta možete pogledati na zahjevu koji vam je izdat prilikom podnošenja. Ukoliko ste unijeli tačne podatke ubrzo će vam pristići SMS poruka sa osnovnim informacijama o vašem predmetu. Cijena slanja SMS je ista kao i svaka druga SMS poruka poslana prema klasičnom broju BH Telekomu. Cijena prijema automatskog odgovora je besplatna.